

Novo temporal e nova alerta laranxa por rachas de vento

Escrito por Redaccion @valminorinfo
Martes, 04 Febreiro 2014 07:08



ESTELAS E MONTEFERRO
www.1punto1fotografia.com

Galicia atoparase dende hoxe martes na influencia dunha profunda borrasca que deixará un novo episodio de ventos moi fortes en toda a Comunidade e chuvias intensas en Pontevedra.

A alerta laranxa exténdese á costa e interior e mañá tornará a unha alerta vermella no mar.

Deste xeito a chuva irá entrando de oeste a leste durante a mañá e pola tarde será xeneralizada e de intensidade moderada, aumentando a forte en Pontevedra e sur de A Coruña.

A cota de neve estará nas primeiras horas nos 1200 metros, ascendendo rápidamente durante o día, para volver a descender á noite aos 1000 metros.

As temperaturas sen cambios ou en lixeiro ascenso. Os ventos soprarán do sudoeste fortes con intervalos moi fortes ao mediodía e primeiras horas da tarde.

Para mañá unha nova borrasca deixará ondas superiores aos 8 metros, con ventos intensos no litoral norte durante a primeira metade do día.